

RIALACHÁN CUR CHUN FEIDHME (AE) 2021/2097 ÓN gCOIMISIÚN**an 29 Samhain 2021****maidir le hullmhóid d'aigéad beansóch, formáit chailciam agus aigéad fúmarach a údarú mar bhreiseán beathaithe do thurcaithe lena ramhrú agus do thurcaithe a thógtar le haghaidh pórúcháin (sealbhóir an údaráithe Novus Europe NV)****(Téacs atá ábhartha maidir le LEE)**

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1831/2003 ó Pharlaimint na hEorpa agus ón gComhairle an 22 Meán Fómhair 2003 maidir le breiseáin lena n-úsáid i gcothú ainmhithe ⁽¹⁾, agus go háirithe Airteagal 9(2) de,

De bharr an mhéid seo a leanas:

- (1) Le Rialachán (CE) Uimh. 1831/2003, foráiltear maidir le húdarú breiseán lena n-úsáid i gcothú ainmhithe agus maidir leis an bhforas agus na nósanna imeachta chun an t-údarú sin a dheonú.
- (2) I gcomhréir le hAirteagal 7 de Rialachán (CE) Uimh. 1831/2003, cuireadh isteach iarratas maidir leis an ullmhóid d'aigéad beansóch, formáit chailciam agus aigéad fúmarach a údarú. Bhí na sonraí agus na doiciméid a cheanglaítear faoi Airteagal 7(3) de Rialachán (CE) Uimh. 1831/2003 ag gabháil leis an iarratas sin.
- (3) Baineann an t-iarratas le hullmhóid d'aigéad beansóch, formáit chailciam agus aigéad fúmarach a údarú mar bhreiseán beathaithe do thurcaithe lena ramhrú agus do thurcaithe a thógtar le haghaidh pórúcháin, ullmhóid atá le haicmiú sa chatagóir “breiseáin zóiteicniúla”, san fheidhmghrúpa “breiseáin zóiteicniúla eile”.
- (4) Chinn an tÚdarás Eorpach um Shábháilteacht Bia (“an tÚdarás”) ina thuairim an 17 Márta 2021 ⁽²⁾ nach bhfuil tionchar díobhálach ag an ullmhóid d'aigéad beansóch, formáit chailciam agus aigéad fúmarach ar shláinte ainmhithe, ar shábháilteacht an tomhaltóra ná ar an gcomhshaol, faoi na coinníollacha úsáide atá beartaithe. Chinn an tÚdarás go bhfuil riosca íseal ionanálaithe ag baint leis an mbreiseán dá úsáideoirí. Dá bhrí sin, measann an Coimisiún gur cheart bearta cosanta iomchuí a dhéanamh chun éifeachtaí díobhálacha ar shláinte an duine a chosc, go háirithe a mhéid a bhaineann le húsáideoirí an bhreiseáin. Chinn an tÚdarás freisin go bhféadfadh an breiseán a bheith éifeachtúil chun feidhmíocht an phróisis ramhraithe turcaithe a fheabhsú agus gur féidir an chonclúid sin a leathnú go turcaithe a thógtar le haghaidh pórúcháin. Ní mheasann an tÚdarás go bhfuil gá le ceanglais shonracha maidir le faireachán iarmhargaidh. D'fhóirigh sé freisin an tuarascáil maidir leis an modh a úsáidtear chun anailís a dhéanamh ar an mbreiseán beathaithe i mbeatha ainmhithe arna cur isteach ag an tSaotharlann Tagartha a bunaíodh le Rialachán (CE) Uimh. 1831/2003.
- (5) Léirítear leis an measúnú ar an ullmhóid d'aigéad beansóch, formáit chailciam agus aigéad fúmarach go gcomhlíontar na coinníollacha maidir le húdarú dá bhforáiltear in Airteagal 5 de Rialachán (CE) Uimh. 1831/2003. Dá réir sin, ba cheart úsáid na hullmhóide sin a údarú faoi mar a shonraítear san Iarscríbhinn a ghabhann leis an Rialachán seo.
- (6) Tá na bearta dá bhforáiltear sa Rialachán seo i gcomhréir leis an tuairim ón mBuainchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

An ullmhóid a shonraítear san Iarscríbhinn, ullmhóid a bhaineann leis an gcatagóir breiseán “breiseáin zóiteicniúla” agus leis an bhfeidhmghrúpa “breiseáin zóiteicniúla eile”, údaraítear í mar bhreiseán i gcothú ainmhithe, faoi réir na gcoinníollacha a leagtar síos san Iarscríbhinn sin.

⁽¹⁾ IO L 268, 18.10.2003, lch. 29.

⁽²⁾ EFSA Journal [Iris EFSA] 2021;19(4):6528.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 29 Samhain 2021.

Thar ceann an Choimisiúin

An tUachtarán

Ursula VON DER LEYEN

Uimhir aitheantais an bhreiseáin	Ainm shealbhóir an údaráithe	Breiseán	Comhdhéanamh, foirmle cheimiceach, tuairisc, modh anailíse	Speiceas nó catagóir ainmhí	Uasteor- ainn aoise	Íoschion	Uaschion	Forálacha eile	Deireadh na tréimhse údaráithe
						mg de bhreiseán/kg d'ábhar beatha iomlán ina bhfuil cion taisé 12 %			
Catagóir na mbreiseán zóiteicniúil. Feidhmghrúpa: breiseáin zóiteicniúla eile (feidhmíocht zóiteicniúil a fheabhsú).									
4d14	Novus Europe NV	Ullmhóid d'aigéad beansóch, formáit chailciam agus aigéad fúmarach	Comhdhéanamh an bhreiseáin: Ullmhóid d'aigéad beansóch, formáit chailciam agus aigéad fúmarach a bhfuil íoschion inti de na nithe seo a leanas: aigéad beansóch: 42,5-50 %, formáit chailciam: 2,5-3,5 %, aigéad fúmarach: 0,8-1,2 %; Foirm ghránaithe Tréithriú na substainte gníomhaí: Aigéad beansóch (íonacht ≥ 99,0 %); Uimhir CAS: 65-85-0; Foirmle cheimiceach C ₇ H ₆ O ₂ Formáit chailciam: Uimhir CAS 544-17-2; Foirmle cheimiceach C ₂ H ₂ O ₄ Ca; Aigéad fúmarach (íonacht ≥ 99,5 %): Uimhir CAS 110-17-8; Foirmle cheimiceach C ₄ H ₄ O ₄ . Modh anailíse ⁽¹⁾ Maidir le haigéad beansóch, formáit chailciam agus aigéad fúmarach a chinneadh sa bhreiseán beathaithe: — crómatagrafaíocht leachta ard- fheidhmíochta maille le brath UV (HPLC-UV);	Turcailthe lena ramhrú Turcailthe a thógtar le hagh- aidh pórúcháin	-	500	1 000	1. Sna treoracha maidir le húsáid an bhreiseáin agus na réamh- mheascán, déanfar na dálaí stórála agus an chobhs- aíocht i leith cóir- eáil teasa a shonrú. 2. Ní úsáidfear an breiseán le foinsí eile aigéid bhean- sóch ná beansóaití, formáite cailciam, aigéid fhormaigh ná aigéid fhúma- raigh. 3. I gcás úsáideoirí an bhreiseáin agus na réamh-mheascán, bunóidh oibreoirí gnólachtaí beath- aithe nósanna im- eachta oib- ríochtúla agus bearta eag- raíochtúla chun	20 Nollaig 2031

			Maidir le méid iomlán an chailciam sa bhreiseán beathaithe a chinneadh: — speictriméadracht ionsú adamhaigh (AAS) – EN ISO 6869; nó — speictriméadracht astaíochta adamhaí le plasma cúpláilte go hionductach (ICP-AES) – EN 15510; Maidir le haigéad beansóch i réamh-mheascáin agus in ábhair bheatha a chinneadh: — crómatagrafaíocht leachta ard-fheidhmíochta maille le brath UV (HPLC-UV); Maidir le formáit chailciam agus aigéad fúmarach i réamh-mheascáin a chinneadh: — crómatagrafaíocht leachta ard-fheidhmíochta atá ian-eisiach maille le brath UV nó brath na comhéifeachta athraonta (HPLC-UV/RI).					aghaidh a thabhairt ar na rioscaí a d'fhéadfadh a bheith ann maidir lena n-úsáid. I gcás nach féidir na rioscaí sin a dhíothú nó a laghdú a oiread agus is féidir leis na nósanna imeachta agus na bearta sin, úsáid-fear an breiseán agus na réamh-mheascáin le trealamh cosanta pearsanta, lena n-áirítear cosaint don análu.	
--	--	--	---	--	--	--	--	--	--

(¹) Tá sonraí faoi na modhanna anailíse ar fáil ag an seoladh seo a leanas sa tSaotharlann Tagartha: <https://ec.europa.eu/jrc/en/eurl/feed-additives/evaluation-reports>